

يأنهار البشائر

يأنهار البشائر ... صب لي شمس
باتقهوى وأنا والله...حياوى
يكفي اني فداوى عندك امن امس
وانت تشره على ثقل الفداوى
احسب انك قبل لاتمد لي ... خمس
تحتضني ... وأنا امد الرهاوى
لاتعجب ... تلمس خاطري لمس
لاتغرك من بعيد...الكساوى
جايز اضحك لو انه خاطري عمس
نوب ضحكني مثل طبعي نحاوى
يمكن انى قريب ومبعد .. الرمس
كل لون لبس جسمي سماوى
جيت اقص الزمان وجّرتة طمس
قلت ابا انشد ... قنب بالرجم عاوي
مساعدة الرشيدية

لأغلى حب

أكتب لهم والخوف بالقلب لازال
نوّخ على نصف المسافه ذلوله
لأرض لأغلى حب لأمي للأطفال
باكتب عن أجمل ذكريات الطفوله
كنت الصمود اللي طعن صدر الأميال
والكون تزهرفي عيوني فصوله
كان المطر صوتي والآمال موال
يروى يباس القلب لحظة هطوله
واليوم صار السهل في عيوني جبال
ومرت بي سنين الأمانى عجوله
واصبحت أدور عن وهج جرحي ظلال
وصارت بي الأرض الوسيعة ملوله
تعال نهزم بالوفا عمر الأهوال
انتي الوحيد اللي بقلبي قبوله
همسة حنانك غيرت واقع الحال
ولك تنهدي كل إبتسامه خجوله
ضاع الكثير ولا بقى غير الأطلال
وانت وأحاسيس القصيد وذبوله
وطيف الحزن في داخل الروح يختال
نوّخ على نصف المسافه ذلوله

صدء الحرمان

